

КАНОН СВЯТОМУ ИОАННУ ПРЕДТЕЧЕ

Глас 2-й

Песнь 1

Ирмос: Во глубинѣ постла иногда фараонѣтское всевоинство преоруженная сила, воплощающееся же Слово всезлѣбный грех потребило есть: препрославленный Господь, славно бо прославися.

Припев: Святыи великий Иоанне, Предтече Господень, моли Бога о нас.

Крестителю и Предтече Христов, погружаемый всегда сластми телесными ум мой управи, и волны страстей укроти: яко да в тишине Божественней быв, песнословлю тя.

Святыи великий Иоанне, Предтече Господень, моли Бога о нас.

Недоуменным просветився просвещением, яко многосветлая звезда, мысленному Востоку предтекл еси, Имже озаритися сердцу моему, Крестителю, моли, омраченному всеми бесовскими приложении.

Слава: В реце бездну иногда, всемудре, погрузил еси, потопа содевающую благодатию, всего преступления. Но молюся, потоки, блаженне, моих прегрешений изсуши, божественным ходатайством твоим.

И ныне: Чистыя Девы, Бога воплотившия, сродник был еси, блаженне Предтече, с Нею же ты чтим и молим, иже в божественном храме твоём ныне живуще, храмы и нас сотвори Духа Святаго.

Песнь 3

Ирмос: На камени мя веры утвердив, расширил еси уста моя на враги моя, возвесели бо ся дух мой, вегда пети: несть свят, якоже Бог наш, и несть праведен паче Тебе, Господи.

Святыи великий Иоанне, Предтече Господень, моли Бога о нас.

Исцели струпы души моея, и ум мой, омраченный небрежением, озари Божественным твоим ходатайством,

Господень Предтече, и всякаго избави мя сопротивнаго обстоянія, молюся.

Святы́й вели́кий Ио́анне, Предтече Господень, моли́ Бо́га о нас.

Непло́дствие разреши́л еси́ ро́ждшия, роди́вся Бо́жим промы́шлением, премудре проро́че: непло́дное у́бо се́рдце моё плодоно́сно ны́не соде́лай, Господень Предтече, ходата́йством твои́м, добродетелей приноси́ти прозябе́ния.

Слава: Любо́вию твоёю созида́ющаго Божественный дом, вы́шняго жити́я улу́чити моли́: и и́же ве́рою хра́му твоemú служа́щия, хра́мы Ду́ха Божественнаго сотвори́, Крестите́лю и Предтече, ходата́йствы твои́ми.

И ны́не: Веселя́шися Предтеча в ложесна́х носим ма́терних, и покланя́шися Го́споду, носиму́ в ложесна́х Твои́х, Благода́тная, Егóже моли́ от вся́кия ско́рби изба́вити мя.

Седален, глас 2-й

Благоутро́бия ра́ди ми́лости, Бла́же, спасти́ Твоё создáние, Христе́, пришёл еси́, прекло́нь Небеса́ схожде́нием Твои́м. Те́мже стра́шное смотре́ние Твоё пою́ще вопие́м Ти: мольба́ми Предтечи Твоegó, очище́ние грехо́в пода́ждь нам, я́ко Еди́н благоутро́бен.

Слава, и ны́не: Предста́тельнице тёплая Христиа́ном, Сы́ну Твоemú моли́ся при́сно, Богоро́дице, вся́каго злоде́йства и огорче́ния изба́вити нас борца́, и да́ти нам прощ́ение, в ни́хже согреш́ихом, за милосе́рдие щедро́т, Твои́ми моли́твами, Ма́ти Де́во.

Песнь 4

Ирмос: Пришёл еси́ от Де́вы, не ходата́й, ни А́нгел, но Сам Го́споди, вопло́щся, и спасл еси́ всего́ мя челове́ка. Тем зову́ Ти: сла́ва си́ле Твоeй, Го́споди.

Святы́й вели́кий Ио́анне, Предтече Господень, моли́ Бо́га о нас.

Прекло́ншему небеса́, и челове́ком бесе́довавшу, главу́ преклони́л еси́ десни́цею твоёю, пребога́те: ё́уже мя соблюди́, во смире́нии сохра́няя се́рдце моё.

Святы́й вели́кий Ио́анне, Предтече Господень, моли́ Бо́га о нас.

Пусты́ня тебе́ гражда́нина непрохо́дная имяше, блаже́нне Предте́че, те́мже вопию́ ти: пу́сту вся́каго Божество́ннаго дея́нннн быв́шу ду́шу мою́, плодоно́сну сотвори́.

Святы́й вели́кий Иоа́нне, Предте́че Госпо́день, моли́ Бо́га о нас.

Зако́н Божество́нный управля́я, беззако́нно закла́н был еси́. Те́мже молю́ся тебе́: беззако́ннююща мя всегда́ и прельща́ема бесо́вскими прельще́ньми, испра́ви.

Слава: Созда́в себе́ храм Влады́це Царю́, к Божество́нным селением ны́не пришёл еси́, Предте́че: я́же получи́ти моли́, тебе́ пресвяты́й дом Воздвигшаго.

И ныне: При́зри на мя недугую́щаго, Всенепоро́чная, и разреши́ стра́сти моя́ лю́тыя и неудобои́сцельныя, я́ко да велича́ю Тя, возвеличи́вшую все челове́чество.

Песнь 5

Ирмос: Просвеще́ние во тме лежа́щих, спасе́ние отча́янных, Христе́ Спа́се мой, к Тебе́ у́треннюю, Царю́ ми́ра, просвети́ мя сия́нием Твои́м: ино́го бо раз́ве Тебе́ Бо́га не зна́ю.

Святы́й вели́кий Иоа́нне, Предте́че Госпо́день, моли́ Бо́га о нас.

В течени́их Иорда́нских струю́ нетле́ния, Предте́че, крестив́ Христа́, моли́ истекания́ страсте́й мои́х изсуши́ти, и пото́ки сладо́стныя насле́довати, и пра́ведных краса́я ра́дования.

Святы́й вели́кий Иоа́нне, Предте́че Госпо́день, моли́ Бо́га о нас.

Уже́ рыда́ю, и содрога́юся стра́хом, и недоуме́нием всегда́ содержи́м есмь, помышля́я моя́ соде́ланная, и бу́дущий Суд ужасный: благоутро́бне Го́споди, пощади́ мя Твоего́ Крестите́ля мольба́ми.

Святы́й вели́кий Иоа́нне, Предте́че Госпо́день, моли́ Бо́га о нас.

Законополага́я лю́дем спасе́ние, Предте́че, в раская́нии прегреше́ний быв́шее, посреде́ зако́на и благода́ти стал еси́. Сего́ ра́ди мо́лим тя, образми́ пока́яния нас просвети́.

Слава: Дажь ми вре́мя пока́яния, уны́нно прешед́шее все иждив́шему, Благоде́телю, име́я на сие́ моля́щаго Тя, Сло́ве, Иоа́нна вели́каго Предте́чу, и пока́яния всеми́рнаго пропове́дника.

И ныне: Нава́ты и ловле́ния льсти́ваго умертви́хся, Влады́чице

Всенепорóчная, оживи́ мя, я́же рóждшая Живóт всех,
Богорóдице, ипостáсный, да Тя пою́ благочéстно
Всенепорóчную.

Песнь 6

Ирмос: В бéздне грехóвней валя́ясь, неизслéдную милосéрдия
Твоегó призыва́ю бéздну: от тли, Бóже, мя возведи́.

Святы́й вели́кий Иоáнне, Предте́че Господень, моли́ Бóга о нас.

Глас Сло́ва проповéдавый, всех гла́сы восприе́м, проси́,
грехóв прощéние дарова́ти véрою пою́щим тя.

Святы́й вели́кий Иоáнне, Предте́че Господень, моли́ Бóга о нас.

Сокруше́ние души́ моея́ исцели́, и грехóв брéмя разреши́, и
па́че наде́жды спаси́ мя моли́твами твои́ми, блаже́нне Предте́че.

Слава: Иисúса, Егóже руко́ю твоёю крести́л еси́, Предте́че,
моли́, руки́ греха́ изба́вити мя, взима́ющая к Немú рúце при́сно,
всесла́вне.

И ныне: Дремáнием лéностным одержи́м есмь, сон грехóвный
тяготи́т сéрдце моё: Твои́м, Пречи́стая, бдénным ходата́йством,
воздвигни и спаси́ мя.

Кондак, глас 3-й

Пре́жде непло́ды, днесь Христо́ва Предте́чу раждаёт, и той
есть исполне́ние всякаго проро́чества: Егóже бо проро́цы
проповéдаша, на Сегó во Иорда́не рúку положи́в, яви́ся Бóжия
Сло́ва проро́к, проповéдник, вку́пе и Предте́ча.

Икос

Восхва́лим ны́не Господня́ Предте́чу, егóже священнику
Елисавет роди́ из ложéсн непло́дных, но не без сéмене:
Христóс бо Еди́н вмести́лище про́йде непроходи́мо без сéмене,
Иоáнна непло́ды роди́, без му́жа же сегó не роди́: Иисúса же,
осенéнием Отца́ и Ду́ха Бóжия, Дéва роди́ Чи́стая. Но
безсéменному яви́ся от непло́дове проро́к, проповéдник, вку́пе и
Предте́ча.

Песнь 7

Ирмос: Богопротівное велѣние беззаконнующаго мучителя
высок пламень вознесло есть: Христос же простре богочестивым
отроком росу духовную, сый благословен и препрославлен.

Святый великий Иоанне, Предтече Господень, моли Бога о нас.

Из корене секирою твоего покаяния исторг язвы страстнаго
сердца моего, всади, Предтече, Божественное безстрастие и
страх чистейший Божий, всякия злобы отчуждающий мя.

Святый великий Иоанне, Предтече Господень, моли Бога о нас.

Во струях Иорданских яко крестил еси покрывающаго
водами превыспрення Господа, Того моли воду даровати
Божественнаго умиления присно очима моима, славный
Предтече.

Слава: Иже миру вземлющаго грех, Агнца Божия, Предтече,
проповедав, Того моли, от козлиц части явити мя чужда, и
десным Его овцам и мене сочетати, славне.

И ныне: Неplодная утроба носяше Тя, Дево, во чреве
носившую Слово воплощено: Егоже Божественными взыгрании
великий Предтеча, неplодныя всесвятый плод, позна радуясь,
и поклонися.

Песнь 8

Ирмос: Пещь иногда огненная в Вавилоне действия разделяше,
Божиим велением халдеи опаляющая, верная же орошающая,
поющая: благословите, вся дела Господня, Господа.

Святый великий Иоанне, Предтече Господень, моли Бога о нас.

Дажь десницу мне, на земли лежащему, Предтече, иже
десницу простер, омыл еси водами Несквернаго: и избави мя
скверны телесныя, всего мя очищая покаянием, и спаси мя.

Святый великий Иоанне, Предтече Господень, моли Бога о нас.

Имуще, душе, время покаяться, лености тяжчайший сон
оттряси, и спешно побди, вопиющи Владыце твоему:
Милосерде, ущедри мя, Крестителя Твоего мольбами.

Святый великий Иоанне, Предтече Господень, моли Бога о нас.

Пото́цы страсте́й и во́ды зло́бы до душі́ моея́ внидо́ша: блаже́нне Предте́че, потщи́ся ско́ро изъя́та мя, и́же ре́чными струя́ми измы́л еси́ безстра́стия тиша́йшую пучи́ну.

Слава: Увы́ мне, мно́га зла сотво́ршему: увы́ мне, еди́ному прогне́вавшему Бо́га Преблага́го! Крестите́лю Христо́в, помози́ ми, и пода́ждь прегре́шений мо́их разреше́ние, и долго́в мо́их отсе́чение, хода́тайствы Твои́ми.

И ныне: Вы́шняго Бо́га плоти́ю ро́ждшая, от гно́я мя возста́ви страсте́й оскорбля́ющих мя: и лю́те всего́ обнища́вша, Божество́нными обогати́, Пречи́стая, добродете́льми, я́ко да воспою́ Тя спаса́емь.

Песнь 9

Ирмос: Безнача́льна Родите́ля Сын, Бог и Госпо́дь, вопло́тся от Де́вы нам яви́ся, омраче́нная просвети́ти, собра́ти расточе́нная. Тем Всепе́тую Богоро́дицу велича́ем.

Святы́й вели́кий Иоа́нне, Предте́че Госпо́день, моли́ Бо́га о нас.

Ка́ла мя изба́ви грехо́внаго, Го́споди, Безгре́шне Еди́не и Многоми́лостиве, Крестите́ля мольба́ми, и́же Тебе́ пропове́да всему́ ми́ру, Агнца Бо́жия, взёмлюща́го челове́ков грехи́.

Святы́й вели́кий Иоа́нне, Предте́че Госпо́день, моли́ Бо́га о нас.

Я́ко ши́пок благово́нен, я́ко благоуха́нный кипари́с, я́ко неувяда́емый крин, я́ко ми́ро че́стно имейя́ тя, Госпо́день Предте́че, мо́их дел злосмра́дия изба́вляюся моли́твами твои́ми, притека́я к покрóву твоemú.

Святы́й вели́кий Иоа́нне, Предте́че Госпо́день, моли́ Бо́га о нас.

Непло́дствовати́ мя непло́дными де́лы, всеблаже́нне, сотвори́, добродете́лей благопло́дие при́сно принося́ща, ча́до мя Госпо́дне твори́, и прича́тника Божество́нному Ца́рствию, и святы́х собо́ру купножи́теля.

Слава: Нам лю́бящим тя, и лю́бовию почита́ющим, и в божество́нном хра́ме твоeм лику́ющим, даждь с небесе́ разреше́ние лю́тых, Предте́че Госпо́день, и жити́я исправле́ние, и прегреше́ний изба́вление.

И ныне: Носи́му во утробе́ Богома́терни, вся нося́щему ма́нием, поклони́лся еси́, проро́че: с Нею́же моли́ смире́нней

спасти́ся души́ моёй, во мно́гая впада́ющей по вся дни согреше́ния.

Молитва

Крестите́лю Христо́в, пропове́днице покая́ния, ка́ющагося не презри мене́, но совокупля́ясь с во́и небесными, моли́ся ко Влады́це за мене́ недостойнаго, уны́лаго, немощна́го и печальнаго, во мно́гая бе́ды впа́дшаго, утружде́ннаго бу́рными помы́слы ума́ моего́: аз бо есмь верте́п злых дел, отню́д не имей́я конца́ грехо́вному обы́чаю; пригвожде́н бо есть ум мой земны́м веще́м: что сотворю́, не вем. И к кому́ прибегну́, да спасе́на бу́дет душа́ моя́; то́кмо к тебе́, святы́й Иоа́нне, благода́ти тезоимените, я́ко ты пред Го́сподем по Богоро́дице вем бо́льша бы́ти рожде́нных всех: и́бо ты сподо́бился еси́ косну́ться верху́ Царя́ Христа́, вземлю́щаго грехи́ ми́ра, А́гнца Бо́жия: Егóже моли́ за грешную мою́ ду́шу, да поне́ от ны́не, в первыйна́десять час, понесу́ тяготу́ благо́ю и приму́ мзду с последними. Ей, Крестите́лю Христо́в, честны́й Предте́че, крайни́й проро́че, пе́рвый (во благода́ти) му́чениче, по́стников и пусты́нников наста́вниче, чистоты́ учите́лю и бли́жний дру́же Христо́в, ты молю́, к тебе́ прибега́ю: не отри́ни мене́ от твоего́ заступле́ния, но возста́ви мя па́дшагося мно́гими грехи́: обнови́ ду́шу мою́ покая́нием, я́ко вторы́м креще́нием, поне́же обоего́ нача́льник еси́: креще́нием омы́вая́й праро́дительный грех, покая́нием же очища́яй коего́ждо де́ло скве́рно: очисти́ мя, грехами́ оскверне́ннаго, и понуди́ внити́, а́може ничто́же скве́рно входит, во Ца́рствие Небесное. Ами́нь.